

15


# 平定兩金川方畧

CHINESE JAPANESE LIBRARY OF  
HARVARD-YENCHING INSTITUTE  
AT HARVARD UNIVERSITY  
JAN 5 1937

T 2819/1319



卷十七  
之十九



CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
JAN 5 1937

YENCHING

平定兩金川方畧卷之十七

哈爾濱大學圖書館  
藏書

正月甲寅。

諭軍機大臣曰。昨溫福將子總韓世貴押送到京。  
經軍機大臣詢問。亦無別情。該弁前與小金川  
打仗。被賊拘留。此等微末武弁。原不必責以大義。  
自可毋庸加罪。著令回至川省。仍交溫福隨營差  
委。

平定兩金川方畧卷之十七

哈佛大學漢和  
圖書館珍藏印

正月甲寅。

上諭軍機大臣曰。昨溫福將千總韓世貴押送到京。業經軍機大臣詢問。亦無別情。該弁前與小金川打仗。被賊拘留。此等微末武弁。原不必責以大義。自可毋庸加罪。著令回至川省。仍交溫福隨營差委。

丙辰。桂林奏言。臣查卡了東北山梁五道。前隔懸崖。現在查探山徑。並無可進之路。若於此屯兵聚守。恐致耽延。隨將所有兵練。卽令侍衛將備等帶領渡河。齊集甲木。合攻噶爾金。自初五至初七。連日攻打。賊番據高臨下。放鎗滾石。拒守甚堅。至初八日午刻。我兵漸次逼近。賊番在山上約有六七百人。併力拒敵。我兵仰攻迎殺。

自午至申。殺死賊番五十餘名。併鎗斃紅衣頭目一名。賊番驚惶搶去。旋俱陸續奔逃。我兵鼓勇前進。追過噶爾金地方。賊番齊至前面山梁。半山救應。鎗石亂下。悉力拒守。時已日暮。隨令將領等將噶爾金先行佔據。共計得大小碉房十一座。石卡七處。我兵陣亡兵練三名。帶傷三十餘名。分別重輕照例卹賞。臣查噶爾金賊番。

雖經失利。但所聚尚多。當飭官兵加意防範。是夜亥刻。賊番果來攻奪。我兵施放排鎗。奮勇迎殺。賊番知有備禦。仍逃回東山梁屯踞。於山上滾石放鎗。我兵難以徑過。臣現在督同侍衛及鎮將等。架礮轟摧。晝夜攻打。以期迅速前進。至由甲木山後繞路進攻之處。前據探路人回稱。山後小路。賊人分布卡隘。防守甚密。不能繞越。

臣現與宋元俊密爲商酌。於兩面附近山旁。凡稍有人力可通。并有可以繞越達烏。直抵僧格宗之路。先爲偵探。以便設法分路進剿。奏入。

上諭曰。欣慰覽之。益當奮勇前進。想續增之兵。亦當至營。軍勢加勁。自當剋日擒護克渠。佇待捷音也。

戊午。溫福。五岱。阿桂。奏言。臣等現在資哩。圍住賊寨。一面派委識路之人。各處察看路徑。一面

盡力轟摧。數日之間。雖多毀壞。但賊人碉寨俱  
係用石砌成。甚爲堅厚。軍中礮位。皆須酌量移  
運。所鑄者止六七百斤。不能迅速摧殘。日間塌  
陷之處。賊衆揣知夜間放礮無準。乘隙修補。且  
資哩地近美諾。失此要隘。卽難以支拒大兵。是  
以盡力死守。今我兵所登南北兩山。連絡二三  
十里。分地日夜攻擊。已經十有餘日。現在探路

人回報。達木巴宗對面迤南。有本布爾桑岡一  
處。過山卽可抵美諾。又資哩北山之後。由色布  
色爾地方。可繞至鄂克什官寨等語。臣等查本  
布爾桑岡。卽與從前董天弼由甲金達所取牛  
廠地方相近。後失牛廠。未能復由此路。其間有  
三大岡。積雪嚴凝。亦甚嶮要。如能越此三岡。順  
山前進。不過三四日。可至美諾。今桂林已過卡

了。若由此派兵進剿。已近桂林進兵之路。一同  
攻取美諾。亦覺得力。至色布色爾。在北山之後。  
深林密箐。險狹難行。若由此路遶行。可至鄂克  
什官寨。但<sub>臣</sub>等現在三面攻打資哩。兵力僅足  
敷用。並無餘兵。可由本布爾桑岡遶路前進。查  
陝西兵一千名。甘肅兵一千名。據報於本月十  
五前後可到。<sub>臣</sub>等公同商議。此項官兵。不必俟

到資哩。預計其將抵達木巴宗之日。卽派巴圖  
魯侍衛章京等。前往帶領。由本布爾桑岡一路  
前進。其進色布色爾之兵。擬于北山官兵內。酌  
量抽出。<sub>臣</sub>五岱前往統領。仍督率餘剩之兵力。  
攻資哩。務期盡剿南北兩山之賊。直抵美諾。又  
攻擊賊寨。須用大礮。<sub>臣</sub>等遣人將向陽坪所存  
銅斤及應用物料。趲運前來。趕緊鑄造。庶爲得

力。

同日溫福阿桂又奏言本月初六日據資哩南山梁總兵牛天界拿獲賊犯一名沙拉押送前來。臣等嚴加訊問據沙拉供稱係金川勤烏圍人因小金川遣人到索諾木處懇求出兵索諾木初時不允及屢次懇求索諾木派九寨番人約七百餘名前來救護索諾木發兵時分付帶

兵頭人等只替他把守山梁不可明與大兵打仗等語。臣等卽將沙拉於軍營正法查兩金川

猖獗爲奸情狀久著歷據各番人供稱聞有出兵助逆之事始無確據今則顯然是索諾木之黨惡助凶其情實爲可惡勦滅小金川後自不得不加兵懲創但據該犯稱索諾木不令明與官兵打仗似尚知畏懼。臣等此時惟有迅速攻



進美諾。如索諾木卽將所派之兵潛撤歸巢。而所佔革布什咱地方全行退出。臣等臨時再當審察情形。請

旨遵辦。奏入。

上諭軍機大臣曰。溫福等奏現在攻勦資哩。賊衆悉力拒守。今已覓有間道。擬俟續調兵到。分路進攻等語。所辦甚是。看來資哩爲賊人門戶。而桂林一

路。所攻僧格宗。亦係賊之要險。且俱距巢甚近。賊衆抗拒。自必益堅。今旣兩路夾擊。而續調官兵日漸增添。聲威更壯。自可尅期攻克。進勦美諾。但恐僧格桑聞知各處險隘已失。竄入金川。如索諾木遵檄縛獻。并退還革布什咱侵地。軍務亦可告竣。朕本意原不欲窮兵遠涉也。設或索諾木黨惡鴟張。則勢難中止。自不得不移兵進討。卽當迅速奏

聞早發京兵前往。合力集事。因思金川巢穴。專恃勒烏圍噶拉依等處。負嶠拒守。所有官兵進剿之路。理應預爲籌酌。庶省臨期更煩措置。從前進剿。金川曾分兩路進兵。經畧傅恒由喀爾薩爾一路。提督岳鍾琪等由丹壩一路。將來若須進剿金川。仍當由此兩路分進。溫福桂林各統一路官兵。犄角夾攻。使賊左右受困。方可制其死命。其中道路。

遠近險夷。山川形勢。阨塞。及作何彼此聯絡策應之處。溫福等宜早爲留心部署。務令胸有成竹。以便臨時調度。悉協機宜。但賊番等心性狡黠。其探訪消息。較內地尤爲便捷。此旨只應溫福桂林阿桂等數人。密爲籌度。其餘軍營將弁等。並不宜令其預聞。以防洩漏。卽臨進兵時。亦勿稍涉聲張。使賊衆猝不及防。庶爲允協。至所訊沙拉供詞。稱金

川曾經發兵七百。相助小金川。是其與僧格桑狼  
狽爲奸。情罪實爲可惡。但此時且不必提及。若僧  
格桑逃至彼處。卽爲申明助惡之罪。使其擒渠自  
贖。倘竟頑梗不率。庇匿逆酋。則聲罪致討。索諾木  
更無可狡飾。至沙拉所供。不可明向大兵打仗之  
語。亦不足信。賊酋旣已借兵與小金川。其打仗與  
否。何從辨別。總之擒獲抗拒賊番。不必別其孰爲

大小金川。槩與駢誅。再從前征勦金川時。正議直  
壓山梁。搗取賊巢。因郎卡窘迫投誠。遂以受降完  
局。今若征討金川。必當照現辦小金川之例。勦平  
其地。永除後患。不可稍有遷就了事之見。

同日。溫福五岱阿桂。又奏言。正月初九日。馬彪  
報稱。帶領黔兵二千。佔據資哩北面山梁。東西  
三十餘里。俱派將備駐扎。其山梁對過。又有高

山係通鄂克什舊寨之路賊番五六百名在彼  
佔據初八日夜亥刻賊番乘風大天黑從山溝  
密箐中偷上高坡分爲四路衝擾都司黃壯畧  
其守備王廷玉營盤其時黃壯畧先聞王廷玉處  
有警帶兵前往彼此鏖戰賊卽敗逃而馬彪及  
副侍衛巴三泰等聞黃壯畧處亦有賊來帶兵應  
大援合力攻擊殺死甚多餘皆從山坡奔逸檢點

王備軍器黃壯畧隊中失劈山礮二位王廷玉隊中  
失劈山礮一位臣等查馬彪此次帶兵從小路

冒交攻奪礮卡佔據山梁官兵露宿已歷二十餘日

雖不免稍有疲乏但旣分兵防範理應處處加  
倍嚴密且礮位尤關緊要豈容遺失臣等營盤

離該處往返有五十餘里當卽派員前往確查  
該鎮所報是夜打仗追殺賊人情形尚屬確實

駐卡處所亦並未移動尺寸。但該二員現已遺失礮位。請

旨將黃壯畧。王廷玉。交部嚴加議處。至總兵馬彪。係

總統大員。亦應請

旨交部嚴加議處。臣等調度不善。亦難辭咎。應一併

交部察議。奏入。

上諭內閣曰。軍營礮位。關係緊要。該都司等。雖夤夜

遇賊。竭力勦退。但不能守護礮位。致有遺失。自有

應得處分。黃壯畧。王廷玉。俱著交部議處。其總兵

馬彪。駐守之處。離打仗地方尚遠。且聞信親往督

勦。尚屬奮勉。著加恩免其議處。至溫福等大營。則

相距更遠。一時難以查察。溫福。五岱。阿桂。俱不必

交部。

同日。溫福。阿桂。奏言。臣等查雅滿塔爾。在土舍

中素稱勇幹。今令隨營行走。尚爲出力。該土舍  
交前於平定金川後。經四川總督策楞等。給與土  
守備職銜。原有委牌執照。此次被圍遺失。今奉  
旨加恩。臣等當卽傳雅滿塔爾。宣示  
恩旨。並給委牌。雅滿塔爾已叩頭謝恩。祇領。再查此  
次瓦寺土守備薩郎雍中。係土司之姪。行走亦  
爲奮勉。臣等現已給與土都司職銜。以示鼓勵

奏入。

上是之。

同日。溫福阿桂。又奏言。臣等遵

旨。查董天弼一路官兵。於十二月十五日。進抵達木  
巴宗。而臣等先於十三四等日。晝夜攻勦巴郎  
拉。攻取碉卡。擒戮多人。賊番度力不能支。因將  
木耳宗。達木巴宗等處防守之賊。撤往抵禦。維

時董天弼從蒲松岡小路前進。在達木巴宗對河南山梁壓下。是達木巴宗之迅速解圍。實由於此。至所得礮位。臣等以董天弼在牛廠有遺失礮位之事。卽詢問董天弼等。令其認識。據稱木坪軍營所用劈山礮。遺失四位。此次所獲之劈山礮。卽係從前所失。復將兩鐵礮逐一驗看。小鐵礮似內地威遠礮而更小。或係番人所造。

其九節礮。實非番地所有。臣

臣等近據逸出番人

供稱。小金川曾向金川借礮三位。金川現在索討等語。此鐵礮或係金川借來之礮。亦未可知。俟拏獲逆酋。方得其情節。至鄂克什土司色達。克拉解圍以後。察看情形。口食不繼。所有山田。曠廢已久。各番籽種全無。不得不量加撫卹。是以臣等奏明酌給該土司人衆口糧。竝飭司道

酌借籽種。俾得及時耕作。<sup>臣</sup>等卽向該土司諭以爾鄂克什爲小金川佔奪。特發大兵勦救。在天朝用兵勦賊。百萬金錢尚所不計。何惜給爾數石之糧。但體制所關。斷無養贍土司之理。爾等番人宜自行料理。或卽在軍營中擔水砍柴。亦可覓食。一俟賞給籽種到來。卽趕種春田。以資接濟。奏入報。

聞。

同日溫福又奏言。查藍翎侍衛哈爾九帶領成都滿洲兵四十名。至達木巴宗。將賊殺退。續攻木耳宗。亦出衆奮勇。奏入。上諭曰。哈爾九著授爲三等待衛。辛酉。桂林奏言。查噶爾金背後。有橫亘山梁一道。山勢陡險。前曾差人由甲木翻山查探。據稱



山後雖有小路。賊番屯聚甚多。防守甚密。不能繞越等語。隨嚴飭噶爾金等處官兵。加意防備。臣督率侍衛將備等。於本月初九初十兩日。悉力攻打噶爾金之東山梁。茲於十一日子刻。賊番分路潛來。一由扎哇窠後山林內攻奪我兵所修梁土木城。一由東山梁直撲噶爾金卡座。一由噶爾金後山梁潛下。意圖偷劫營盤。我兵

分頭抵禦。自丑至卯。將東山梁及扎哇窠後山賊衆盡行擊退。因噶爾金後面山梁賊番甚衆。我兵奮勇迎殺。彼此相持。互有傷損。比及天明。賊見我兵直前掩殺。復添兵接應。據高臨下。滾石放鎗。山徑逼仄。難以仰攻。現在架礮轟摧。以斷賊番下山攻奪之路。十二日未刻。賊番復由扎哇窠背後繞山來撲。官兵合力截殺。至酉刻。

全行擊敗。割獻頭人首級一顆。殺死賊番十九名。我兵帶傷十六名。十三日辰刻。臣督率鎮將等攻取東山梁礮卡。而梁上賊番拒守甚固。鎗石亂下。自辰至申。未能攻克。臣思小金川正當三路夾擊之時。又值屢經失利。何以轉能聚集多人。或日間對仗。或潛夜偷營。必有黨逆添兵之事。因密飭熟諳土兵。於對敵時。分路留心瞭

土備望。據稱大半皆係金川番衆。并見有金川頭人額諾等。是索諾木之暗爲幫助。已屬顯然。必得大挫其鋒。痛加殲戮。俾賊番知所畏懼。始足以戢其桀驁之心。臣現飭將備等。密帶官兵。暗藏於各山附近要隘處所。俾賊番夜墮伏中。以便斷其歸路。盡力勦殺。仍督率鎮將侍衛等。一面架礮攻擊噶爾金後面山梁。一面設法攻取東

山梁礪卡。以期速進。查索諾木敢於助惡。與僧格桑狼狽爲奸。將來自須併力勦除。但今南路旣已幫兵。西路諒亦必有往助之事。已飛咨大學士溫福提督阿桂預爲籌備。并札致阿爾泰於章谷等處嚴加防範。一面催令在途貴州兵二千名兼程速赴軍營。以資策應。奏入。

上諭軍機大臣曰。桂林奏十一十二兩日賊番俱繞

山梁而來。潛圖偷劫。經官兵奮力擊敗。並派兵設伏邀截。所辦俱合機宜。至所稱對敵時。令土兵留心瞭望。大半皆係金川番衆。并見有金川頭人額諾等語。昨據溫福奏。拏獲賊犯沙拉。訊係金川勒烏圍人。并供金川派兵約七百餘。令頭人帶領相助小金川等語。是兩路軍營俱有賊兵。自山梁潛來偷奪。如出一轍。必係金川之人。暗爲指使。其情

甚爲可惡。金川賊衆旣爲小金川出力抗拒。或于兩路潛派賊兵截我之後。以阻臺站餉道。皆不可不防。今陝甘兵已據溫福奏。正月十五日可至軍營。而貴州兵亦據王萬邦報稱。十二月二十六日已抵城都。正月二十左右即可至桂林處。是兩路續添官兵。聲勢甚壯。正可合力夾擊。搗穴擒渠。并各選派勇幹弁兵。在後路嚴密防禦。毋致賊人逞

其伎倆。最關緊要。至我兵現攻之資哩僧格宗兩處。俱係小金川要隘。金川助惡之兵。更由何路徑赴賊巢。則賊衆潛趨美諾之來蹤。恐卽爲逆酋將來竄往金川之去路。不可不訪問明確。預爲伏兵堵截。以防僧格桑之駭走。方爲妥協。至於索諾木竟敢顯然助惡。更不必慮其知覺生疑。此時若仍佯爲不知。轉使賊人隱爲得計。自應作爲桂林之

意。派明幹之人。前往金川。檄諭索諾木。以僧格桑  
抗違教約。侵佔鄰疆。及至官兵壓境。尚敢率衆抗  
拒。罪在不赦。至爾金川。本係無罪之人。卽與僧格  
桑。誼屬姻親。原無緣坐之例。且自爾父郎卡投誠  
以來。承受大皇帝恩惠。二十餘年。今我兵攻勦小  
金川。擒捕逆犯。罪有所歸。與爾金川無涉。乃昨在  
卡了山梁。望見小金川賊衆內。竟有爾金川頭人。

在彼率衆相助。而大兵所獲賊番沙拉。訊係爾金  
川之人。并供金川派兵七百。頭人二名。往助小金  
川之語。則是爾金川竟顯與小金川黨惡。甚爲非  
是。並據沙拉供。爾諭頭人。止令看守山梁。不令與  
官兵打仗。今看此光景。爾兵旣至小金川。卽屬助  
逆。是爾自謂詭狡。其實至愚。爾索諾木悖理妄行  
至此。非惟無益於人。并且貽害於已。實爲自取罪

戾本督部堂念爾父郎卡向來恭順奉法不忍遽  
行聲罪致討。特差員弁賫檄傳諭爾索諾木奉到  
檄示之後著卽將派助小金川兵衆迅速撤回並  
將所佔革布什咱之地盡行退還。或僧格桑畏罪  
逃入金川卽行擒獻。則平定小金川以後原可不  
波及金川仍得保守土境樂業安居。爾若執迷不  
悟則勦滅小金川後卽便移兵問罪。現在各省精

兵數萬已集軍營並選發八旗勁旅數萬合力攻  
擊小金川卽爾榜樣官兵所至勦洗無遺。彼時悔  
無及矣。特爲明切檄諭利害爾自擇之。如此傳檄  
旣可使其知所警畏並可覘其舉動若何以便相  
機辦理。但所遣之人須擇曉明大義勇幹可任。令  
其前往于事方爲有益。如索諾木敢于抗違則勢  
難中止。又莫若早爲籌辦。桂林卽當據實具奏。便

可令京兵迅速起程赴川。及早集事。計汪騰龍所帶之添調陝甘兵三千名。二月初旬外。亦可至桂林軍營。足資攻勦金川之用。若如桂林前此之咨令停止。又將另煩籌畫。桂林此次辦理軍務。措置俱屬合宜。惟停止陝甘兵丁一節。未爲得當。今亦不深責也。至章谷一帶。旣已札致阿爾泰。嚴加防範。甚中肯綮。其餘有似此應行防守之處。並宜一體留心。

體留心。

臣等謹按小金川自作不靖。不得不聲罪致討。以綏荒服。至金川壤地毗連。苟其各安住

大聖人牧。退地回巢。則我  
皇上如天並覆。原可赦其已往。而予以自新。與鄰近

天共直。各土司。共享昇平之福。今恭讀  
上諭。令督臣等反覆檄諭。董勸兼行。詳悉深至。終不

土酋合忍不教而誅迨至獷悍不馴。始終怙惡。天兵直壓賊巢。獲醜獻俘。此實逆豎之自取殄絕。而皇土收仰惟。又何嘗稍有成見也。

平定兩金川方畧卷之十八

二月丙寅。五岱奏言。臣帶領官兵於正月十七

日。攻取北山頂。由谷口循山梁至北山頂。相隔七十餘里。量其要隘。俱分兵佔住。擬於十八日。將溝內藏匿賊匪。盡行勦除。乃十八日晚。烏什哈達來稱。奉將軍令。爾若不能取此山頂。卽以軍法從事。臣因派兵二百五十名。交與副將色



倫泰及烏什哈達。併諭以色布色爾以東。已取  
大碣地方。有都司徐大勇。帶兵八百五十名。在  
彼駐扎。汝等卽與徐大勇合兵駐守。併截殺山  
下逃竄賊人。又使人告知駐守北山之總兵馬  
彪。令將所有兵一千二百名內。速撥三百名前  
來。旋據馬彪覆稱。若如數撥兵。則此處惟剩九  
百兵。勢難守禦。不能遵照等語。臣復兩次遣人

諭以此處不必駐守。可將所屬兵一千二百名。

卽速帶來。臣隨帶兵五百名。赴徐大勇所守之

處。先將勁兵給與千總國興。令其先行。十九日

卯刻。徐大勇所守之處。見十里外高峯。已爲賊

番佔據。烏什哈達佔據小山之頂。賊番見國興

帶兵將到。卽棄山頂下逃。臣隨派瓦寺及鄂克

什土兵三百餘名。由賊番後面追殺。又令彰靄

額森特帶兵由西山下堵禦截殺。乃當土兵追殺之時。賊番卽由烏什哈達處敗逃。而烏什哈達並不帶兵掩擊。轉將臣所調土兵三百餘名止住。往取無賊空卡。以致賊番知西山下有兵堵截。卽由烏什哈達所駐山梁下遁去。是烏什哈達不遵軍令。任意帶兵。而副將色倫泰等不諳地利。又於徐大勇駐兵之地。相去十五里。以

致與賊番連次接仗。雖經殲賊十數名。而副將色倫泰陣亡。兵丁陣亡者亦二十餘名。受傷者將及五十名。查馬彪逗遛怠緩。烏什哈達不遵飭諭。致損官兵。請將馬彪烏什哈達革職。留在軍營。自備資斧。効力贖罪。以爲炯戒。臣同日溫福五岱阿桂奏言。臣等將先到之西寧兵二千名。并駐北山之貴州兵及瓦寺等土練。

共三千五百名。派總兵馬彪。副將富紳色倫泰。及巴圖魯侍衛等分帶<sub>臣</sub>五岱統領。於十五日。起程。由北山色布色爾<sub>臣</sub>路前進。<sub>臣</sub>溫福阿桂。帶領餘兵。仍用礮轟擊資哩賊寨。又預備兵四百名。約定五岱佔據北山山頂。由彼處循梁下壓。佔據資哩對面大峯。<sub>臣</sub>溫福阿桂。卽發所備之四百兵。攻取資哩寨落。<sub>臣</sub>五岱於十五日晚。

帶領官兵。因山險雪大。須越五道山溝。始可上對面陡壁。佔據山梁。倘被賊人知覺。卽難登躋。連夜攀附過行。竟於天未明時。已至對面陡壁之頂。兵丁僅到千名。餘於十六日戌刻。方始到齊。十七日卯刻。令侍衛彰額。額森特。烏什哈達等。進攻山梁卡內賊人。賊衆潰敗。俱從峯頂滾下。共破五十餘卡。得礮七座。殺賊四十餘人。相

度山形。給與烏什哈達兵二百名。佔據山頂。臣  
溫福阿桂。於是夜戌刻。見烏什哈達處舉火。卽  
令預備四百兵。進逼賊寨。正在放鎗擊打。忽見  
烏什哈達帶兵下山。詢云。已佔山峯。復被賊人  
奪去。臣溫福等訊以汝在山峯舉火。軍中明明  
看見。又何須送信。卽送信。又何必帶兵自來。烏  
什哈達驚惶不能對。臣溫福卽欲將烏什哈達

叅奏。伊深知罪戾。願帶原兵。復取山峯。否則自  
甘治罪。臣溫福仍令其由五岱處添兵攻壓。臣

五岱於十九日。再撤北山之兵五百五十名。給  
與侍衛富音保。章京巴彥泰等。上山協助烏什  
哈達。復取山峯。已將在卡賊人。全行勦洗。至藏  
匿樹林之賊。每夜潛來驚擾。俱被官兵擊退。其  
十九日子刻。賊衆約五六百人。三路潛進。被侍

衛三達爾。都司富敏泰。守備袁國璉等。帶兵橫截。殺死賊人甚衆。擒獲二名。其受傷殺死之賊。皆于昏黑中拖曳而去。夜間雖不能辨明數目。而早間審視拖走之處。一路血跡甚多。再十八日夜。飭侍衛三達爾等。帶兵取德壘角二小寨。殺賊二十餘名。燒燬兩碉兩寨房屋二十餘間。  
臣等俟將南北兩山抗拒賊衆全數剿除。卽奪

寨。取資哩寨落。以便籌畫前進。奏入。

上諭軍機大臣曰。據五岱叅奏烏什哈達馬彪不遵號令。請一併革職。令其効力贖罪。溫福摺內又稱烏什哈達私離汛地。卽欲辦理。烏什哈達遂帶兵復往佔據山峯等語。伊等不遵將軍號令。固不得謂之無罪。但溫福卽欲辦理烏什哈達。亦覺過當。烏什哈達理應看守所佔之處。遣兵寄信溫福。不

應將兵帶回。此其罪也。但烏什哈達從前亦曾攻  
碯奪卡。今棄山岡而能復行佔據。亦可以抵罪。烏  
什哈達馬彪俱著加恩革職留任。令其出力自贖。  
溫福平時口吃。在朕前奏事尚不能達其意。性又  
頗露急躁。官兵不知其如此。必謂將軍性暴。兵衆  
難堪。又因不能卽克地方。中心煩躁。不論地險雪  
深。一味催迫官兵。如此辦理。恐失軍心。不可不戒。

也。再行軍之道。因當嚴肅。亦應審擇地勢。酌量能  
行而後進。若不惜兵力。不論地之險阻。惟知勇往  
直前。恐於軍事反無所益。數年以來。凡臨陣退縮  
者。朕必治罪。然於山險雪深。難於進攻之處。並未  
嘗不愛惜官兵。惟令催促前進也。五岱阿桂皆係  
舊人。從前皆同溫福歷練行陣。二人亦當將此情  
節。婉勸溫福。再此時書明阿。張大經所帶之兵。諒

亦陸續將到此兵到時軍威愈盛爾等其一乃心力共圖滅賊速奏膚功。臣等謹按軍行紀律不可不嚴而撫卹之宜。皇上整飭戎行退怯者必加懲創至於山川嶮峭冰雪凍凝又未嘗不可不備。鑒其情形曲加體恤。是以此數年以來。

天兵所至戰勝攻取拓地三萬餘里。武烈光昭垂輝鐘鼎。茲因將軍過於嚴切。諄諄帶曉諭示以撫綏駕馭之方。復命同事之。時為規勸。聖明委任成全之至意。固已溢於言表。而日後挫失情形。大聖人已燭照機先矣。

大聖同日溫福阿桂又奏言竊<sub>臣</sub>等於正月初四日  
言奏接准桂林咨稱原調陝甘官兵業經調赴西路  
望即其貴州兵二千名原擬撥赴甲金達接濟現在  
命同南路急需添兵進剿所有黔兵擬先撥赴約哨  
熱備軍營倘西路有需加添之處請於續調之陝甘  
為然兵三千名內酌留應用等因<sub>臣</sub>等已飛飭帶領  
天正黔兵鎮將星馳前赴約哨計此時已全抵軍營

至<sub>臣</sub>等與桂林道路雖分辦理原屬一事所有  
續調之陝甘兵三千名雖經桂林咨商撥補西  
路而<sub>臣</sub>等以南路需兵稍急自應多為接濟是  
以未經酌調茲據軍需局司道稟稱陝兵二千  
名由廣元入川到省時即令其速赴南路其甘  
涼兵一千名另起行走仍由階文畧陽入川計  
程已抵松潘距西路軍營甚近似應就近調赴



西路等語。臣等查添調官兵。總須按其行走程  
期。以實能迅抵軍營。備用爲要。今臣等現在攻  
圍資哩。桂林處亦將抵僧格宗兩處。距美諾均  
不過數十里。指日可以會合。此項甘涼兵二千  
名。旣已行抵松潘。若令其繞赴約咱。必須回至  
成都。再由雅州打箭爐等處前往。紆迴一月之  
程。兵行旣不免稍疲於事。亦屬緩不濟急。應照

各司道所稟。令其逕赴鄂克什軍營。不過日內  
可到。候會合時。仍令備桂林軍營調遣。臣等現

已咨明桂林。并飭知軍需局遵辦。再查前此原  
調陝甘兵三千名。其西寧固原兵二千名。均已  
先後抵營。至總兵張大經所領陝西兵一千名。  
臣等前亦擬撥往南路。嗣因桂林處已調貴州  
兵二千前往。是以此項陝兵亦從木坪甲金達

一路前來不日可抵軍營奏入。竊本甲金

上嘉之。

同日溫福又奏言現在兩路官兵屢經攻進雖

賊巢愈近聚守愈固逐節攻摧未能勢如破竹

然賊人伎倆不過如此。臣揆度事機小金川自

可指日辦竣。勦定之後所有善後事宜。臣身承

重任早夜籌畫惟有於小金川境內擇其扼要

地方設鎮駐兵控制金川隔截內外方爲一勞

永逸之計。茲復疊奉密旨永錄荒服哨遊

諭旨。令於章谷僧格宗等處酌設重鎮協營分兵屯

駐。臣查僧格宗係小金川地方章谷亦係通小

金川之路將來設鎮分布各營應合小金川之

全境并審察與金川接壤之地何處最關緊要

以定營制之重輕額兵之多寡容。臣與桂林會

合後。往復熟商。自可得其要領。總之各番部強弱既殊。其侵欺鄰境。卽爲抗拒。天朝之漸。小金川地方。若不設重鎮。不但小金川舊地。金川易於蠶食。卽明正木坪。鄂克什各土司。亦必被其侵陵。轉瞬又生遺患。如果有官兵鎮守。經理協宜。制防嚴密。自可永綏荒服。卽或狼性難馴。妄思自逞。而沿途各鎮。犄角已成。亦可

隨時撲滅。

臣

實可信其歷久無事。至金川索諾

木助逆顯然。自有應討之罪。其所佔革布什咱

地方。將來如何退出。必須

臣

與桂林會合後酌

看情形。籌定全局。奏入。

上諭曰。此時正以勦小金川爲要。餘俟成功。再圖可

也。丁卯。

上諭軍機大臣曰。昨溫福等奏。俟將南北兩山賊衆。

全行洗盡。即可攻取資哩等語。可知資哩卽在山口。我兵若將南北山梁佔據。自高處施放鎗礮。向下攻打。賊雖善守。亦斷無不得者。又昨據五岱叅奏馬彪烏什哈達不遵號令。遺誤事機。而於溫福等會奏摺內。又稱烏什哈達棄所佔山岡而回。溫福卽欲辦理。烏什哈達情願前往。旋已奪回等語。溫福等三人皆在一處。而五岱叅奏馬彪等摺內。

並無溫福阿桂之名。可知其彼此不睦。現當進兵滅賊之時。同事大臣。若不和衷。於事大有關係。阿桂雖係提督。要非他人可比。旣同溫福五岱叅聯名奏事。難以諉爲不知。著傳旨詢問溫福阿桂。昨五岱叅所奏馬彪烏什哈達奏摺。因何不列溫福阿桂之名。令其明白回奏。

上又諭軍機大臣曰。五岱叅奏馬彪烏什哈達奏摺。密奏溫福自以爲是。不聽伊言。以致衆兵寒心等語。朕以溫福性躁。一時不能攻得資哩。催促官兵前進。以致衆兵寒心。亦未可定。至五岱曾從兆惠經歷西路軍營。又授爲都統叅贊。或遂輕視溫福。又或五岱竟有過失。惟恐溫福叅奏。故爲先發制人之計。烏拉齊之惡習如此。均未可定。在將軍叅

贊。理宜和衷共濟。方可以任事圖功。今若以五岱所叅之摺。卽寄溫福閱看。伊必轉滋疑惑。是以五岱所奏夾片。已經焚燬。但溫福在軍營實在如何舉動。從前訥親在金川時。並未親臨戰陣。坐守營盤。是以將伊正法。今溫福日與賊人交仗。豈如當日訥親安坐營中。任性迫促官兵乎。阿桂雖係提督。然是滿洲世僕。且在軍機行走多年。係朕加恩

棄瑕錄用。溫福所行之事。五岱尚且奏及。何以阿桂反不奏聞。今五岱所奏。彼此有何爭競。其何以不睦之故。著傳諭阿桂。據實密奏。看來二人在一處。於軍務大爲無益。不如派五岱隨在桂林隊內。亦可將此一併密諭阿桂。作速據實覆奏。

同日。桂林奏言。查噶爾金前面東山梁。形勢險峻。兩山環抱。轉過山梁。卽距達烏不遠。賊番悉

衆固守。而於甲木翻山小路。復經添兵防禦。并

屢次乘夜潛來。臣分派官兵。暗藏各隘。以防偷

劫。仍督率侍衛鎮將等。於十四十五等日。架礮轟摧。迎面賊碉。漸見殘毀。十五日戌刻。賊番復

由噶爾金後山梁緣崖繞道而下。潛襲大營。我兵先伏山邊溝內。讓過賊番。卽放鳥鎗斷其去路。官兵又自營中衝出。前後夾攻。賊番驚竄。我

兵分頭截殺。殲斃五十餘人。尚有竄逃不及。滾  
崖跌斃者。自此失利。知有準備。雖夜間仍於噶  
爾金前面。及扎哇窠後山等處。不時滋擾。究不  
過數十名。擲石放鎗。意圖疲我兵力。亦經當時  
擊退。茲於十六日。威寧鎮總兵王萬邦。先帶領  
二起兵一千。馳抵軍營。當卽合兵攻剿。自十六  
至十八等日。奮力攻打。賊番堅守不出。臣思東

山梁地居要隘。必須過此。方能直抵達烏。今無  
別路可通。賊復於礮內藏匿。彼此相特。徒稽時  
日。隨於十九日。派兵并力仰攻。直取山梁礮卡。  
搶獲山邊賊卡三座。殺死賊十一名。因山徑陡  
險。賊人據高臨下。鎗石如雨。自辰至申。未能攻  
克。恐致傷損多人。先將石卡佔據。暫行存劄。臣  
復密差員允。並帶諳練土兵。分踞路徑。如有可

以繞截之處較之力取實爲捷便。其隨後三四起黔兵一千名。約二十二三日即可到齊。臣現在督率將備等。上緊用礮轟擊。務在克此前進。奏入。

上諭軍機大臣曰。據桂林奏連日攻剿噶爾金前面山梁情形。并於夜間設伏。擊敗偷營賊衆。及晒探路徑。繞越碉卡各情形。所辦俱好。賊番屢次乘夜

潛來偷劫。必係金川所爲。甚爲可恨。十五夜間。截殺五十餘賊。雖足稍挫其鋒。使知警畏。惜未能盡殲其衆。卽此幫助小金川一節。索諾木之罪已難輕追。前諭桂林選派勇幹之員。持檄往諭。斷不可少。至索諾木旣與僧格桑勾通一氣。亦未必不防官兵之并爲勦擊。固無慮此時之預洩事機。致賊會知覺準備也。現在溫福攻勦資哩。已得其對面



山梁。所有資哩賊寨計日可破。今桂林復尋覓間道進攻。果能得其要隘。兩路俱可乘勝直入。攻剿美諾。勢如破竹。若卽擒獲僧格桑。處以極刑。則諸番自然震懾。軍務卽可告藏。但恐逆酋逃入金川。而索諾木竟敢負隅抗命。勢不得不移兵征剿。現在陝甘貴州等省續調添調之兵。俱陸續到營。惟覺滿洲兵太少。朕意或將預派之京兵二千。卽令

起程前往。自爲得濟。但派遣京兵。卽使兼程遄進。此時亦不能迅至軍營。供現在攻剿之用。且京兵行動。聲勢甚大。以此朕心尚未能遽定。况用兵之事。實非朕本懷。不特金川險僻。不欲窮兵黷武。卽辦理小金川一節。朕初意卽不肯加兵。是以於阿爾泰格外矜原。若其誤全出於阿爾泰一人之意。則與向年訥親之僨事何異。是阿爾泰早經正法。

又豈能僅予罷斥。旋復授爲散秩大臣乎。著將此  
詳諭溫福。桂林卽將現在情形通盤籌畫。若索諾  
木藏匿罪酋。又不退還侵地。不可不聲罪致討。卽  
當奏請京兵。遄往合力剿擊。俟伊等覆奏到日。以  
定行止。其甚大以此類心。尚未請發。其兵兵之  
此同日。不論以主軍營。共與在文。陳之。且京兵  
上又諭軍機大臣曰。前據溫福等奏。攻打資哩。現在

佔住北面山梁。盡力攻擊。距今又六七日。尚未將  
曾否攻得情形奏聞。官兵自十二月二十九日。攻  
圍資哩以來。已經一月有餘。該處爲賊人門戶。自  
必悉力拒守。今日久未能攻克。恐不免師老氣沮。  
於軍務殊非所宜。昨閱小金川投誠之布爾佳供  
詞內。有在木圍壩居住。若官兵攻過資哩。一到木  
圍壩。全家都活不成之語。查圖內有木南壩。似卽

木蘭壩之轉音。其地與達木巴宗。不過一水之隔。距美諾亦不甚遠。朕意若一面圍困資哩。一面分兵竟取木南壩。若一至木南壩。卽已遶出資哩之後。兩面夾擊。賊衆勢將自潰。而美諾賊巢。亦更無可阻距。較之攻勦資哩正面。冒險撲礮者。勞逸懸殊。如其資哩之賊出而救護。正可盡力截殺。俾無噍類。至圖內木南壩。向係鄂克什地界。今土司色

達克拉兄弟。俱隨在軍營。其路徑皆所熟悉。若用伊等爲嚮導。自屬妥便。著傳諭溫福。卽行相機妥辦。

同日。桂林又奏言竊

臣

奉到

諭旨。查小金川與金川境壤。本屬毗連。道路又復叢雜。可通之處甚多。其僧格宗亦係經由之一路。僧格桑勢處窮蹙。諒必乘間潛逃。臣現在攻取

東山梁礮卡。卽於所得卡了。甲木等處附近山  
徑無不加意嚴防。不使克渠漏網。指日統兵前  
進。直趨僧格宗地方。則該處尤爲緊要。卽當預  
爲密布。凡遇幽僻之所。及我兵可到之處。預行  
分頭堵截。時刻稽查。務在擒縛逆酋。早加顯戮。  
以正醫孽。自亂安。則善。備。誠。實。自。能。辦。事。  
國法而快人心。斷不敢稍有踈虞。致賊兔脫。奏入

報

聞。

東山某將... 徑無不加... 進道... 為密... 分頭... 以正... 聞... 歸... 快人心... 斷不... 敢... 稍... 有... 異... 狀... 賊... 寇... 夫... 人...

平定兩金川方略卷之十九

其二月戊辰

上諭軍機大臣曰五代密奏摺內有溫福自以為是

不聽伊言頗寒官兵之心等語朕謂將軍叅贊在

營辦事必彼此一心方於軍務有益今閱五代所

奏則已露彼此不睦之意朕已將其摺片焚毀並

降旨詢問阿桂然朕徹夜思惟倘溫福知之轉生

疑懼論溫福。五代阿桂三人。朕自信用溫福。無反  
信五代。阿桂之理。卽如前日溫福等奏摺遞到。朕  
先爲閱看。因其辦理烏什哈達。頗爲過當。朕卽以  
過當批之。後始閱五代奏摺。非因五代之言也。總  
因溫福平素口吃。性又急躁。一時不能卽破資哩。  
其心更增煩躁。所以急欲嚴辦烏什哈達。由此可  
以想見其性情矣。然溫福身任勦賊。其煩躁固宜。

卽五代。阿桂亦豈有不煩躁之理。此尚非溫福之  
過。其曲自在五代。若使溫福亦如當日訥親在軍  
時偷安退縮。從不一至接仗之地。但知嚴促兵丁  
進攻。則不但五代應行叅奏。卽阿桂亦當聲明其  
故。一同叅奏。朕昨日密寄阿桂諭旨。竟不必機密。  
卽令溫福五代阿桂同看。或果係溫福性暴。蔑視  
五代。致寒將士之心。溫福卽當改悔從前之失。朕

意五岱在軍營較之溫福更多歷練。或因一時不能攻取資哩。恐溫福委罪於伊。乃以此密奏爲先發制人之計。其欲自佔地步。已屬顯然。著溫福五岱阿桂據實奏聞。朕辦理庶務。一秉至公。從無偏倚。如此反覆申諭者。正以伊等皆受朕重恩。且當軍旅要務。若彼此生釁。必至誤朕大事。至於此等瑣細。朕亦不加深究。著傳諭伊等各自屏去嫌疑。

合心共濟。速冀剿滅逆酋。以慰懸望。

甲戌。桂林奏言。

臣

查噶爾金之後山梁。賊番屯

踞。恃險憑高。因見我兵勢難繞越。不時乘夜潛來。俱經我兵殺退。隨於二十三日夜。密派備弁等帶領兵練。潛由甲木下溝。攀援而上山梁。復飭侍衛將領等。分領官兵。暗伏於噶爾金山下。聽見山上鎗響。奮力仰攻。我兵於二十四日丑

時全到。施放排鎗。奮力攻殺。賊番驚惶無措。甫  
欲開鎗抗拒。復聞我兵由噶爾金吶喊上山。上  
下夾擊。當卽奔竄。除滾崖逃脫外。殲斃賊番六  
十四名。奪獲大小石卡四十餘處。其噶爾金前  
面之東山梁。形勢險峻。下臨大河。懸崖陡立。無  
路可通。前經佔得石卡。其石卡以前。山凹內列  
合有礮卡數座。地名那科。與石卡相近。礮內賊番

拒守。若不先行攻奪。我兵難以存住。隨將礮位  
移至石卡。連日轟摧。賊人堅守不出。二十五日。  
賊礮將次殘毀。隨卽督率兵練。奮勇直前。別派  
兵丁攜帶火彈。賊番於礮卡內放鎗拒敵。經放  
火之兵。乘間搶至礮下。於破缺處拋入火彈。立  
時火起。賊番驚潰。我兵追殺。一齊竄入樹林。爲  
東山梁賊衆救應上山。共斃賊番十五六名。攻



獲礮房石未二十餘處。臣查噶爾金後山梁之

後。係墨壟溝山嶺。聞該處有小路可通達烏。其

東山梁山勢陡險。礮卡亦多。且樹木叢雜。俱有

金川番衆潛屯防守。若僅在此處盡力仰攻。地

險人多。未免有稽時日。臣與鎮將等悉心籌酌

仍一面上緊攻奪東面山梁。俾賊番悉力固守。

一面設法渡河。襲攻隔岸阿仰地方。又揀派員

弁兵練裹帶乾糧於噶爾金後山梁赴墨壟溝

山嶺。潛行進取。若能於此處覓路直抵達烏。則

東山梁山阿仰二處。俱在我兵抄截之內。賊番勢

必中潰。於進礮機宜。實爲迅速。奏入

上諭曰。一切皆合機宜。佇俟大捷喜音。

大朝同日桂林又奏言。臣前次攻獲卡子礮寨。仰蒙

飭詢情形。伏查口外番夷。並無房屋。均係住居礮樓。

隨處有之。或少或多。各成寨落。捷身於此。拒敵亦於此。原非於官兵經歷之處。始行修立。其碉土備房設有鎗眼。高下俱可放鎗。每碉祇須數人防守。我兵便難經過。卡了原係小金川緊要之所。相聚而居。所有碉房。俱屬舊有之物。各碉賊番本衆因調往他處。只留二百餘人。於路口要隘之碉。悉力抵禦。是以碉數較多。賊數較少。奏入

報恐擊命匪人。其後未際其善。與則特請。臣備聞。恩恩來恭順。特因命命桑幹。猶大兵要來。其情上

乙亥。溫福阿桂奏言。據查禮稟三雜谷土司中。惟梭磨最近內地。土婦卓爾瑪。頗知大義。尚爲恭順。前因小金川遣人至彼。誑以某對敵。則去天朝有發兵攻討三雜谷之語。以致該土司等心生疑懼。隨明白剴切示以利害。該土婦遣其頭目

叩見。備述感激之情。不敢稍滋疑貳。察其詞氣。天厚似出至誠等語。復據該處都司邢天培等稟稱。都司聞梭磨土兵。在路卡等處。聚集操演。隨往該處確查。當有梭磨頭目塔爾格古等前來稟稱我土司世受。奏言。熱查。斷稟。二。蘇。谷。土。回。中。國恩。歷來恭順。特因僧格桑傳說大兵要來攻討。土司恐懼。令頭人在路卡納扎等處防守。都司諭

以小金川不法。是以大兵進剿。指日掃除。至爾土司素稱守法。豈肯無端攻討。小金川欺誑之語。切不可聽。該頭人等業已釋疑散去。臣等仍將賊酋捏詞煽惑。并大兵專剿緣由。繕寫檄諭。明白宣示各土司。奏入。報。臣等仍

間

同日。溫福阿桂又奏言。臣等查閱資哩碉寨。石

墻甚厚。墻上均有出鎗孔穴。又於地下刨溝藏匿。我兵攻撲。賊卽於孔穴內放鎗抵拒。其寨北一箭之地有大石卡一座。刨有地溝。可通寨內。石卡之北連起五座石卡。而對面高峯突起處。又有大石卡一座。我兵進攻。賊卽於高峯大卡內。向下放鎗援助。臣等會商。必須一面上攻高峯大卡。一面下奪寨北之卡。掣其各處援助之

力。資哩賊寨。始可望其攻克。臣等於本月二十

四日子刻。飭令巴圖魯侍衛佛倫泰等。領兵衝入寨北卡內。合力攻勦。將卡內二百餘賊。殲殺四十餘名。擒獲十二名。奪取刀槍等物無數。其由地溝藏匿者。窘迫跳出。爲堵截之巴圖魯侍衛阿爾蘇納等。盡數截殺。隨卽進攻碉寨。賊衆仍於墻內放鎗。自早至午。竟不能逼近。且恐傷

損多人。是以暫令撤兵。仍放大礮轟擊。此次攻  
卡。千總趙全柱陣亡。其餘兵丁亦有陣亡受傷  
者。臣等查賊寨內貯糧尚多。寨西墻下又有水  
泉。我兵不能絕其飲汲。是以死守抗禦。其寨北  
對面山頂。雖經侍衛烏什哈達奪回據守。但山  
頂下峻險之處。賊衆早已佔據。起造大卡一座。  
又起小卡五座。直接山下大卡。且於空隙之處。

疊砌石牆。以便藏身。互相援救。至我兵所佔山  
頂。相距賊卡。中隔一溝。必須下溝復上。始能攻  
取。現在五岱帶兵四千有餘。除據北山山脊之  
外。餘俱攻擊高峯突起之卡。臣等又送五岱大  
礮以資轟打。臣處大礮亦準對高峯轟擊。俟五  
岱攻克大卡。臣等卽督兵直攻礮寨。務期必克  
至從前攻取之南山德壘角寨後。又有大山一

座。山脊蜿蜒而下。直出資哩寨後。至鄂克什官  
寨前之阿喀木雅。賊衆據此大山。由山梁以至  
阿喀木雅。俱有石卡接連守禦。若非取此大山。  
則賊從高處下攻。我圍困資哩之兵。不能安穩。  
且又塞我進兵之路。臣等於二十五日派巴圖  
魯侍衛三達爾等。帶兵八百名。乘夜登陟。奪佔  
山脊。次日賊來衝奪。我兵擲石放鎗。擊斃賊人

無數。二十七日。臣等又派兵一千名。會合三達

爾等佔住山脊之兵。於二十八日卯時。由山脊  
往下攻壓。連克賊人所立三卡。殲賊甚多。至第  
四卡地勢甚窄。賊卡又築於隔溝高嶺之上。現  
在設法攻剿。若此山脊各卡。全數克獲。則我兵  
可以進攻。阿喀木雅。而資哩亦必不支。奏入。

上諭內閣曰。溫福等帶兵攻取碉卡。千總趙全柱力

上戰陣亡甚爲可憫。趙全柱著照守備之例。加恩優恤。其餘受傷陣亡官兵。著溫福等查明造冊送部。照例議卹。文獻通考北山春谷亦全。獲京奠。頃其兵上。又諭軍機大臣曰。溫福阿桂等奏連日官兵攻剿殲賊甚多。如我兵得進阿克木雅則資哩賊人卽勢難存聚等語。籌畫甚是。據現所奏情形。似無慮賊番自後掩襲。惟當鼓勵官兵奮勇前進。但當此

險要之地。若惟促令官兵攻取。轉致多損兵丁。於情事反無所益。是當謀出萬全。卽稍稍時日。亦無關係。再所稱攻得阿喀木雅則資哩賊人卽難佔據。是阿喀木雅係南北兩山之要路。得此卽可摧滅資哩。直攻美諾矣。倘旣攻克阿喀木雅。而資哩賊人仍然死守。一時難以攻得。則酌量駐兵牽綴。溫福等卽帶兵直取美諾。可否如此辦理。其悉心

籌畫行之。再朕因奏事之便。屢降諭旨者。原以增  
益在事。諸臣之智慮。但軍行萬里。變態多端。一時  
情形。難以懸度。溫福等。但當相度事機。惟冀有濟  
於事。又不可拘泥朕旨。現在彼處情形如何。迅速  
具奏。佇俟好音。

臣等謹按軍營勝算。悉由哨探密報。日夜無  
睿略。乃猶慮懸揣之情。未必盡該變態。復與下效

諭以量度情形。惟期有濟。不在拘泥成命。蓋虛受之  
懷。實為曠古所罕有。臣等伏讀謙卦之上九。  
至於利用行師。征邑國。仰惟我

皇上開誠布公。謙以受益。正所謂有大而能謙。必豫  
是以氛祲旋消。而嘉祥懋集也。

上又諭軍機大臣曰。今日閱溫福阿桂奏摺。不列五  
岱之銜。朕疑五岱接仗時。或有挫失。及細閱摺內。



則仍有五岱之名。前因五岱單銜奏事。朕謂將軍  
叅贊。彼此不和。必因五岱自恃軍營歷練。又以朕  
用爲都統叅贊。遂生狂妄。或因溫福目無五岱。至  
皇於不睦。已降旨令伊等據實覆奏矣。今觀此摺。是  
非關五岱之故。必溫福阿桂。以五岱是烏拉齊人。  
因藐視之。夫朕用五岱。原以其久歷軍營。欲其於  
行間出力。至於信任大臣。以圖集事。豈有舍溫福

阿桂反信五岱之理。溫福阿桂。皆係滿洲世僕。且  
爲朕任用舊人。若如此居心。是其識見。與五岱相  
等矣。數年以來。朕留心察看。將軍大臣。徃往如是。  
夫朕任用一人。將軍等卽當體朕之心。諸事含容。  
冀服其心。而得其力。豈宜好生枝節。轉開釁隙之  
端。溫福現任將軍。且加恩至大學士。更應度量含  
宏。隨材器使。使人心翕附。將士効命。不應居心如

此著傳諭令其改悔。以收羣策之益。不熟思必

已卯桂林奏言。臣於正月二十八九等日。督兵

攻打東山梁。賊人憑高固守。而對面阿仰地方

夫沿河俱設有卡隘。難以暗渡。因於二月初一日

令總兵宋元俊。主萬邦。同侍衛將備等。仍悉力

攻奪山梁。飭派叅將薛琮。暨備弁等。帶領川黔

兵練二十餘名。同土兵引路。裹糧前進。於是日

申刻進發。一由甲木翻山。一由新得噶爾金後

山梁繞道。俱潛赴墨壟溝山嶺。不但可以覓路

進抵達烏。并可繞出東山梁之後。從上壓取。臣

等自下仰攻。上下夾擊。便可得手。我兵緣崖越

嶺。至初二日子刻到齊。而賊人於山脊要路。設

立木城石卡。防守甚堅。我兵突至奮攻。賊人正

在放鎗相拒。忽有兵練數名。乘勢躍至木城。拋

擲火彈。賊衆驚惶。棄城奔逸。隨將木城燒燬。乘勝追殺。前面賊番見木城火起。大兵勢盛。有高處放鎗對仗者。有望風先行驚潰者。大兵合力攻殺沿路木城石卡。隨得隨佔。追至半山。兩峰壁立。中通一逕。盤互陡險。僅容一人。兼之冰雪未消。勢須攀援魚貫而上。賊於山崖卡內拒守。鎗石亂下。我兵迎面受傷。難以前進。自己至西。

天復微雨。併力攻取。未能驟過。因飭令薛琮等。一面攻打。一面暫於該處帶兵屯扎。先行佔據大木城四座。石卡二十一處。共斃賊番四十六名。臣查東山梁及墨壟溝上嶺。均距達烏不遠。而達烏係至美諾緊要之所。今見大兵深入。自必悉力保守。且我兵每攻獲一處。賊番卽退守一處。所得之地愈多。則所聚之賊愈衆。加以金

川助力賊勢倍增。踞險藏身。并不明爲對仗。其  
東山梁勢居險峻。連日攻打。該賊番於山嶺施  
放鎗礮。推滾大石。全力拒阻。臣目擊情形。實爲  
憤恨。現在率同宋元俊。王萬邦等。晝夜攻擊東  
山梁。務在必得。仍督促薛琮等。上緊攻取墨壘  
溝山嶺。雖路徑險仄。務須設法攻開。取道抄截。  
直抵達烏。奏入。

上諭曰。自當督飭官兵。鼓勇向前。亦應愛惜兵力。勉  
爲之。一切佇俟捷音。

癸未。溫福。阿桂奏言。臣等前以資哩寨賊人併

力死守。急切未能攻破。擬俟陝甘兵到。探覓間  
道。分兵兩路。一由本布爾桑岡前進。一由色布  
色爾前進。今查色布色爾一路官兵。尚未能直  
抵鄂克什舊寨。現在資哩北山峯頂駐扎。衝壓

山坡以下至資哩寨外各卡之賊。連日打仗。未能得手。至<sup>臣</sup>等晝夜督率官兵。攻打賊寨。所有礮樓。俱已被礮摧毀。尚存礮根石墻丈餘。壓傷賊衆亦爲不少。而賊匪仍潛匿地溝不出。至本布爾桑岡一路亦應分兵進剿。惟是<sup>臣</sup>等一路雖有兵幾及一萬。而現在南山梁去兵三千數百名。北山梁去兵四千數百名。其留在軍營攻

圍資哩之兵。不過二千。南北兩山地勢險要。又

延袤各有七八十里。官兵分布。實難抽撤。所有

續調之甘涼兵一千名。據軍需局續報。改由廣

元入川。<sup>臣</sup>等因思兩路軍營。原無分別南路旣

急須添兵力。而甘涼兵又改由廣元行走。自應

令其速赴南路。<sup>臣</sup>等原擬本布爾桑岡一路。此

時竟無可撥之兵。<sup>臣</sup>等惟有竭力設法督辦。將

南北山各卡之賊。勦殺無餘。則資哩斷難支守。  
奏入。

上諭軍機大臣曰。溫福等連日用礮。進攻資哩。摧毀  
石礮。而賊人藏入地溝死守等語。朕意用礮從平  
處施放。必至穿過。若從高處向下。賊卽藏匿地溝。  
亦難匿避。今溫福等打毀石礮。僅餘丈許石墻。我  
兵或做木架。占高處施放。或築礮臺向下。則賊巢

無不摧毀之理。想伊等帶兵數千。製造木架及堆  
礮臺。亦復不難。溫福等何不一念及此。再溫福等  
現在攻取資哩大寨。乃賊人要路。悉力死守。一時  
不能攻取。尚屬常事。至五岱。牛天界。帶兵攻取南  
北山梁。兩旁山梁之賊。諒不甚多。至今一月有餘。  
何以不能攻取。五岱經歷行陣。非他人可比。看來  
伊等並不加緊出力。著傳諭五岱。並令溫福傳諭

牛天昇。一同明白回奏。至安設駐防兵丁事宜。此時斷不可洩露。使巴旺布拉克底之人聞之。或生疑懼。俟擒獲僧格桑後。再籌辦可也。令資民保衛。不同日。溫福阿桂又奏言。竊<sub>臣</sub>等現在兩路官兵。與攻勦資哩僧格宗。俱係小金川要隘。金川助惡之兵。由何路來赴賊巢。誠不可不訪問明確。預無爲伏兵堵截。<sub>臣</sub>等前獲金川賊犯沙拉。據稱到

美諾後。見過僧格桑。遣赴資哩南山梁等語。又據脫出之鄂克什番民章喀爾等供稱。該番所住來章寨。在僧格宗之南。約有半日路程。從來章南。至金川所屬之克舟九寨。有一日路程。克舟離噶拉依不遠。此次金川助兵。從克舟至來章。從來章至僧格宗。再抵美諾。又稱金川從巴旺布拉克底邊界。上墨爾多山。亦可以通小金

牛川等語。臣等詳加體察。兩金川境壤相接。其間  
時山箐叢雜。小徑原多。而賊兵現從克舟來。章行  
疑走。自爲正路。其所稱墨爾多山亦必有路可通。  
但查各該處均在美諾西南。臣等兵行經過各  
處。尚在美諾東北。是以現攻之資。雖係小金  
川賊酋緊要門戶。併力死守之地。而金川助惡  
之兵。自西而來。臣等此路官兵未抵美諾以前

實無越過賊巢。阻遏逆酋逃竄之路。總俟攻抵  
美諾。卽當訪查章喀爾所供兩路。及此外可通  
小徑。分兵嚴行防範。奏入。報

聞。

同日溫福阿桂又奏言。竊臣疊奉

諭旨。以賊匪狡惡。大兵深入。後路不可不防。查臣等  
自巴朗拉進剿。所有卧龍關內外軍臺餉道。及



要隘處所。業經酌留官兵。自二三十名至五六  
十名不等。及攻破巴朗拉。進抵達木巴宗。又攻  
得斯底葉安。進抵資哩。因巴朗拉。達木巴宗等  
處。尤關緊要。酌派將領帶兵數百名。在彼防守。  
是時因軍營現有總兵三員。內昭通鎮馬彪。由  
北山進兵。川北鎮牛天昇。由南山進兵。而重慶  
鎮和邦額。又隨營經管火藥鉛丸各項軍械。收

發承辦各事宜。是以僅令遊擊等員防範後路。  
令陝甘總兵書明阿。張大經。先後抵營。足敷調  
遣。而巴朗拉等處。領兵防守。稽察軍臺餉道。恐  
該遊擊等。日久不無疏懈。查總兵和邦額。在川  
頗久。邊外情形尚能諳悉。令其卽赴巴朗拉一  
帶。統領官兵駐扎。來往巡查。各該處既有大員  
經理彈壓。自可不致疎虞。其原派兵數。亦無須



察情形。此稟明係僧格桑見兩路攻打。計窮力竭。惟恐番衆一時潰散。藉投稟之名。以暫時安撫衆人之心。且妄冀給與回諭。既可窺測我軍情事。或并可稍緩須臾攻剿。更不宜墮其狡計。查上年十一月間。臣等在山神溝接澤旺出名所具之稟。當卽給與回檄。令其縛獻逆子。親詣投誠。或可開一綫生路。彼時官兵未集。且尙未

與賊接仗。故稍寬其詞。使賊人父子離心。上下解體。或可不煩兵力。擒戮兇酋。今賊酋敢於節節抗拒。且現已攻破險隘。深入至此。不日當抵賊巢。今昔機宜已屬不同。卽使僧格桑自縛來投。尙無宥死之理。况此狂妄言語。實不值更給回檄。反爲賊匪所輕。且查從前所給檄文。僧格桑皆不使伊父得知。而於衆人之前。轉稱大兵

進剿。不是爲我一人。要將番人盡行誅戮之語。以堅其死守之心。節據逸出番民。供吐相同。此。次若被逆酋誑得回諭。又將借此以施其鬼蜮伎倆。於事亦爲無益。臣等再四熟籌。竟不給與回文。惟有奮力迅速進攻。掃穴擒渠。使逆酋不得稍有縱逸。謹將譯出漢字。及逆酋原稟。一併進呈。

御覽。奏入。報。

聞。

同日。溫福。阿桂。又奏言。查小金川賊衆。惟恃石礮石卡。以爲抵禦。故大礮轟摧。最爲得力。前飭軍需局辦銅。運至軍營。以資鑄造之用。年前節次。收到銅斤。鑄成礮位。頗爲適用。但因山路崎嶇。礙難擡送。所鑄各礮。皆在千斤之內。擊打堅

礮。未免稍稽時日。今<sub>臣</sub>等另鑄三千餘斤大礮。期於迅速攻破。乃查正月以來。軍需局所運之銅質地不淨。多有礦性。勉強融鑄。隨打隨裂。竟爲無用。<sub>臣</sub>等正在籌畫間。適建昌道白瀛來營。據稱該道所駐雅州地方。亦有銅斤。可以趕辦。隨於本月初一日。飛差前往。今於初八日。已運到七千斤。<sub>臣</sub>等查驗銅斤及詢之工匠人等。皆

稱較高於舊銅。實足以供鼓鑄。<sub>臣</sub>等現飭連夜趕造。數日內即可鑄成。比之舊有礮位。摧擊自爲加倍得力。至此項無用之銅。共計一萬餘斤。是否係省城舊存之銅。抑係軍需局另委州縣官辦運。<sub>臣</sub>等未知詳細。現已劄令該局確查何人承辦。仍飭原辦之員。自行運回。所有運費價脚。不准開銷。以示懲儆。奏入。報

聞。

曲不豈開。能以示懲。燭。奏人。辭三千餘斤。大。破。

人。承。辦。以。論。息。難。之。員。自。行。數。回。祖。自。數。費。買。

官。報。數。丑。等。未。賦。精。味。既。日。際。命。慈。恩。輕。查。何。

吳。不。只。新。各。姓。善。并。之。隨。時。新。軍。需。司。民。委。陳。繼。

為。地。各。縣。以。至。此。更。無。用。之。險。共。指。一。萬。餘。元。

賦。登。樓。日。內。阻。回。難。如。其。之。善。百。難。以。辦。學。自。

蘇。輝。高。致。善。險。實。且。以。共。楚。壽。丑。等。既。後。數。亦。

聞。

此小字...

△本...

宜...

量...

欲...

賦...

賦...

